



Broj: 16-12-16-~~2272~~²²⁷⁹/18
I. Sarajevo, 21.05.2018. godine

Na osnovu člana 8. stav (2) tačka h) Zakona o Državnoj agenciji za istrage i zaštitu ("Službeni glasnik BiH", br. 27/04, 63/04, 35/05, 49/09 i 40/12), člana 25. stav (1) tač. f) i g) i člana 70. st. (1), (2), (3) i (6) Zakona o javnim nabavkama ("Službeni glasnik BiH", broj 39/14), na preporuku Komisije II za nabavke za potrebe Državne agencije za istrage i zaštitu u 2018. godini broj 16-12-16-2272/18 od 17.05.2018. godine, u otvorenom postupku javne nabavke usluga fiksne telefonije za potrebe Državne agencije za istrage i zaštitu, direktor Državne agencije za istrage i zaštitu, d o n o s i

ODLUKU

o izboru najpovoljnijeg ponuđača u otvorenom postupku za dostavljanje ponuda za javnu nabavku usluga fiksne telefonije za potrebe Državne agencije za istrage i zaštitu

Član 1.

U otvorenom postupku za dostavljanje ponuda za javnu nabavku usluga fiksne telefonije za potrebe Državne agencije za istrage i zaštitu, za koji je obavještenje o javnoj nabavci objavljeno na Portalu javnih nabavki broj 1161-1-2-127-3-29/18 od 28.03.2018. godine i u „Službenom glasniku BiH“ broj 21/18, okvirni sporazum za period od tri godine, dodjeljuje se za:

- LOT 1 – Usluga fiksne telefonije u Banja Luci, ponuđaču "Blicnet" d.o.o Banja Luka za ponudenu cijenu 15.170,40 KM bez uračunatog PDV-a.

Član 2.

Ponuđač "Blicnet" d.o.o Banja Luka, obavezan je ugovornom organu u roku od pet dana od dana prijema ove odluke dostaviti dokaze o ispunjavanju uslova iz tačke 12. i 13.2 Tenderske dokumentacije (original ili ovjerena kopija), ne starije od tri mjeseca, računajući od dana dostavljanja ponude.

Član 3.

Ova odluka se ponuđačima dostavlja u roku od tri dana, a najkasnije u roku od sedam dana od dana donošenja Odluke, uz istovremeno objavljivanje na web stranici Državne agencije za istrage i zaštitu.

Član 4.

Za izvršenje ove odluke zadužuje se Sektor za materijalno-finansijske poslove Državne agencije za istrage i zaštitu.

Član 5.

Ova odluka stupa na snagu danom donošenja.

O b r a z l o ž e n j e

Postupak javne nabavke usluga fiksne telefonije za potrebe Državne agencije za istrage i zaštitu (u daljem tekstu: Agencija), pokrenut je Odlukom direktora Agencije broj 16-12-16-2227-1/18 od 21.03.2018. godine, putem otvorenog postupka, za koji je obavještenje o javnoj nabavci objavljeno na Portalu javnih nabavki broj 1161-1-2-127-3-29/18 od 28.03.2018. godine i u „Službenom glasniku BiH“ broj 21/18. Procijenjena vrijednost javne nabavke za period od tri godine je 67.100,00 KM bez uračunatog PDV-a, za šta su novčana sredstva predviđena u okviru budžetskih sredstava za 2018. godinu i Dokumenta okvirnog budžeta 2018-2020. godine. Predmet javne nabavke podjeljen je na lotove i to:

- LOT 1 - (Usluga fiksne telefonije u Banja Luci) procijenjene vrijednosti 35.400,00 KM bez uračunatog PDV-a.
- LOT 2 - (Usluga fiksne telefonije u Mostaru) procijenjene vrijednosti 31.700,00 KM bez uračunatog PDV-a.

Komisije II za nabavke za potrebe Državne agencije za istrage i zaštitu u 2018. godini (u daljem tekstu: Komisija) dostavila je Izvještaj o radu broj 16-12-16-2272/18 od 17.05.2018. godine, sa preporukom o izboru najpovoljnijeg ponuđača u postupka javne nabavke usluga fiksne telefonije za potrebe Agencije.

Obzirom da je tačkom 24. Tenderske dokumentacije navedeno da je rok za dostavljanje ponuda 17.04.2018. godine do 12,00 sati, te da se ponude dostavljaju u zatvorenoj koverti, Komisija je dana 17.04.2018. godine u 13,00 sati izvršila javno otvaranje ponuda prema datumu i vremenu prijema, numerišući kovertu.

Javnom otvaranju ponuda prisustvovali su zamjenik predsjedavajućeg, članovi i sekretar Komisije, kao i predstavnici ponuđača za "Mtel" a.d. Banja Luka, g-đa Zarfa Berković i za "Blicnet" d.o.o Banja Luka g-din Marko Brkić.

Blagovremeno su dostavljene dvije ponude i to:

R.br	Broj protokola	Naziv ponuđača	Datum i sat prijema ponuda
1	16-12-16-2227-5/18	"Mtel" a.d. Banja Luka	15.04.2018. u 11,08 h
2	16-12-16-2227-4/18	"Blicnet" d.o.o Banja Luka	17.04.2018. u 10,35 h

Komisija je nakon otvaranja ponuda u smislu člana 63. st. (5) i (6) Zakona o javnim nabavkama („Službeni glasnik“, broj 39/14) (u daljem tekstu: Zakon) sačinila Zapisnik o otvaranju ponuda i isti u roku od tri dana, od dana otvaranja, dostavila ponuđačima. Postupak je dalje nastavljen u smislu pregledanja dokumentacije priložene uz svaku pojedinačnu ponudu, a u cilju ocjenjivanja svakog pojedinačnog ponuđača, te njihove kvalifikovanosti shodno uslovima navedenim u Tenderskoj dokumentaciji.

Komisija je utvrdila da ponuđači "Mtel" a.d. Banja Luka i "Blicnet" d.o.o Banja Luka, ispunjavaju kvalifikacione uslove u pogledu njihove lične sposobnosti, sposobnosti obavljanja profesionalne djelatnosti, ekonomske i finansijske sposobnosti, te tehničke i profesionalne sposobnosti. Također, Komisija je utvrdila da ponuđači ispunjavaju i formalno-pravne uslove postavljene u Tenderskoj dokumentaciji.

Uvidom u dostavljenu ponudu ponuđača "Mtel" a.d. Banja Luka, Komisija je utvrdila da je ponuđač u skladu sa tačkom 21. Tenderske dokumentacije, dostavio potvrdu Privredne komore Republike Srpske broj 04-12-898/18 od 10.04.2018. godine, u svrhu korištenja prava na preferencijalni tretman domaćeg. Uvidom u Obrazac za cijenu ponude ponuđača "Mtel" a.d. Banja Luka, Komisija je utvrdila da ukupna cijena ponude bez uračunatog PDV-a iznosi 15.328,80 KM te da je istu potrebno umanjiti za 10 %, odnosno za 1.532,88 KM, što iznosi 13.795,92 KM bez uračunatog PDV-a.

Uvidom u dostavljenu ponudu ponuđača "Blicnet" d.o.o Banja Luka, Komisija je utvrdila da je ponuđač u skladu sa tačkom 21. Tenderske dokumentacije, dostavio potvrdu Privredne komore Republike Srpske broj 04-12-918/18 od 12.04.2018. godine, u svrhu korištenja prava na preferencijalni tretman domaćeg. Uvidom u Obrazac za cijenu ponude ponuđača "Blicnet" d.o.o Banja Luka, Komisija je utvrdila da ukupna cijena ponude bez uračunatog PDV-a iznosi 15.170,40 KM te da je istu potrebno umanjiti za 10 %, odnosno za 1.517,04 KM, što iznosi 13.653,36 KM bez uračunatog PDV-a.

Nakon pregledanja dokumentacije priložene uz dostavljene ponude Komisija je u smislu člana 65. st. (1) i (2) Zakona ocijenila ponude kvalifikovanih ponuđača, primjenjujući kriterij najniže cijene tehnički zadovoljavajuće ponude iz tačke 21. Tenderske dokumentacije, te je sačinila rang listu ocijenjenih ponuda, počev od najuspješnije ka najmanje uspješnoj, kako slijedi:

RANG LISTA PONUĐAČA ZA LOT-1		
R.br	Naziv / ime ponuđača	Ponuđena cijena (bez PDV-a)
1	"Blicnet" d.o.o Banja Luka	15.170,40 KM
2	"Mtel" a.d. Banja Luka	15.328,80 KM

Nakon provedenog postupka ocjenjivanja dostavljenih ponuda, Komisija je utvrdila da je ponuda ponuđača "Blicnet" d.o.o Banja Luka ocijenjena kao najpovoljnija ponuda za LOT 1, dok za LOT 2 nije dostavljena niti jedna ponuda. Komisija je takođe utvrdila da navedene ponude ne premašuje procjenjenu vrijednost javne nabavke.

Shodno navedenom, prihvaćen je prijedlog Komisije i odlučeno da se predmetni okvirni sporazum za period od tri godine dodijeli ponuđaču "Blicnet" d.o.o Banja Luka za LOT 1, kako je navedeno u članu 1. ove odluke.

Pouka o pravnom lijeku: Protiv ove odluke može se izjaviti žalba Uredu za razmatranje žalbi Bosne i Hercegovine, u roku od 10 dana od dana dostavljanja iste. Žalba se podnosi putem Državne agencije za istrage i zaštitu.

Na izjavljenu žalbu ponuđač je obavezan platiti naknadu u skladu sa članom 108. Zakona o javnim nabavkama i podzakonskim aktima.

DOSTAVLJENO:

- Ponuđačima 2x;
- Sektoru za mat.-fin. poslove;
- a/a.

DIREKTOR
GLAVNI GENERALNI INSPEKTOR POLICIJE
Perica Stanić

